

善本方志輯·第一編

中國地方志集成

康熙德清縣志

中國地方志集成

善本方志輯·第一編 ⑥0

康熙德清縣志

鳳凰出版社●上海書店●巴蜀書社

圖書在版編目（C I P）數據

中國地方志集成. 善本方志輯. 第一編 / 鳳凰出版社
編. — 南京 : 鳳凰出版社, 2014. 5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編

著 作 者	本 社 編 選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號, 郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號, 郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換, 電話:0519-82338389)

康熙德清縣志

(清)

侯元棐
陳後方等纂修



《康熙德清縣志》十卷，清康熙十二年（一六七三）刊刻，現據清朱墨軒鈔本影印。

目錄

康熙德清縣志

德清縣誌序

邑之有誌猶國之有史也國有史而世道之盛衰人物之升降風俗之隆替皆可按而覆邑有志而紀山川審陋泥定徭賦昭文獻其以供

朝廷者方肆覲納賈陳詩輶軒之使采風而問俗卽古職方氏之所掌寧有加焉然則邑之有志實與國史相表裏也洵矣今

聖天子臨御萬邦車書一統國史而外更輯通志蓋將周攬天下土壤貢賦疆域形勝之勢長慮遠矚所以備一代制作襄太平文治之隆卽成周體國經野之意甚鉅

典也吳興山水清遠名公鉅卿鱗次史冊德清介苕水
西南鼎甲巍科聯翩蒸蔚彬彬冠冕洊西蓋允岳淑之
氣婉壇而磅礴於斯焉發之然其間土壤肥瘠民生利
病因革捐益之宜所當亟為搜討者詎非良有司之責
也哉邑令侯君為豫中右族豫固為余舊治之土也雅
悉其節概今來綰綬茲土凡事兢兢惕惕儼奉予敬畏
簡書之意以底於成余惟以清苦持躬凡利於民者罔不
思興病於民者罔不思去而侯君率能奉行之無倦茲
值纂誌之役益罔敢踈越延訪耆彥講求掌故網羅舊
聞緝定新編其中之闕者補之複者芟之訛者正之清

淆錯者循其緒而條理之以辨謠俗至慎也以綜見聞至博也以稽世變而觀吏治至周且晰如紋螺也斯誠詳而有體簡而有要者矣繕錄就竣執卷相示撫圖按籍指掌粲然庶幾與吳興郡志相得益章予於是樂觀厥成焉俟將貢諸

天府以供內史彤管之資潤色山龍黼黻之業其與周禮職方並傳永久昭示來茲則國史之與邑乘分軌同歸亦猶繁星之繞極祭川之先河也夫 告

康熙癸丑歲子月上浣之吉

中憲大夫知湖州府事盛京王弘仁題

德清縣志序

二朱墨軒珍藏

德清縣誌序

傳有之天地成而聚於高歸錫於下疏為原谷以導其氣陂唐污庠以鍾其美山川之在清邑似天地有獨厚焉可謂土之聚而水之鍾矣而比類百則人物正興較勝於他邑是不可以無誌顧誌之於邑戛然難之而實與作史者異史之有五難亦難乎其人爾今

國朝基德以來釐度制量培弊悉蠲爰以紀載詔天下郡國具觀一統維新之盛豈復有所難如史家所云必父子世繼其官猶有所欲書而不得者哉竊稽明永樂中勅夏原吉楊榮等纂修天下郡邑誌未成景泰重修僅德清縣志序

三 朱墨軒珍藏

成未及刻天順始再修刻布尚多闕佚未徧則前此誌
事經紀四朝不可為不難矣而茲者薄海內外立稟朝
廷令甲上貢河嶽之奇下徵名器之守不閱載而天下
郡邑誌俱登入天府卽以清邑言之餘不玉塵之勝備
列丹丘東府司直之才傳流繪素核吏事則戶部中牟
辨風俗則人羨汝南貢賦之期侔於轉轂財貨之生急
於爭時而且蔚乎紀法之維調人文之炳煥以是知歐
陽日厯之疏不煩欬歔守溪臯言諸條并無事咨嗟矣
誌之成也固大異於史詎不一本朝廷耶因考清誌沿
始於宋散佚有年迄明嘉靖方公日乾仝里大夫之賢

者特勤編輯則陳水南先生實主之迨天啟教公榮繼
與先君子互相論定無何相距更厯五紀今

上癸丑主縣事

侯公百度聿興治臻醕備適奉

溫綸重加繙討其載筆從事諸君文藻博雅肆力蒐討舉
百年來政務之得失名公卿之進退暨里巷處士幽女
之佚行分曹而書以上之主者斯裁鑒得衷銓次不爽
試合觀前後譬之鑪鞴在前初則銅山可槌繼之淬液
益精至太阿成而歸功於就鑄者

侯公其區冶子歟余備員史館愧無以贊是役也迨縱
德清縣志序

四朱墨軒珍藏

轡輅林取前之碑銘詞賦芟繁疏穢總別為後勁使吟攬其中者如登玉塵及吳羗諸峯高高下下葱龍入目又如浥餘溪之水可嗽可濯欲舞欲歌將山川之獨厚我邑者我得

公而蓄之彌曜洵乎斯舉之獨盛也矣
賜進士及第翰林院修撰

日講官

起居注壬子科

欽命順天典試正總裁邑人蔡啟傳謹叙

序言

德清隸浙厥邑維中抑何繁而劇歟官斯地者自

皇清鼎定來越三十年卒未聞以奏績去詎人之不地宜歟抑地之故以阨人歟余於今

上御極之八年奉

命來牧小民譁然上下相軋弗辨也城陘頽然履如康莊弗禁也官舍蕩然寢興罔蔽風雨也吏胥皇皇泄泄或以帑金繫或以善訟牽智者奔驕而愚者蹇厄又復比比也嗟乎清之俗顧可為哉余處不易為之時而強欲為之事以紛投余以勤應人以偽來余以誠感弗狃於

德清縣志序

五
朱墨軒珍藏

利弗遠乎害而清邑向之所為不可為者今且次第若就理也茲值修誌之役蓋

皇上允閣臣請亟欲成一統之觀余因藝香煮茗延邑之薦紳先生并博士弟子員而諮詢焉廣文王君以明經陳子名後方蔡子名啟汾名陳子名元堡虞子名徽洎諸生胡子嘉生蔡子詒來徐子元正進曰若而人者皆邑之耆而彥且多聞記不波遂於是非聲華間也余曰賢哉諸子是可觀厥成矣扁官署之戶聯床瀹硯無黨同無伐異虛公和衷考諸往事參以新編大畧溯源乎陳水南先生之前誌而刪繁增簡遂為得宜如輿地

如宮室如食貨如法制如職官如選舉如治行如人物
如藝文以及雜志列卷凡十分帙維四法例精嚴不啻
不濫僉云信矣而且喜清之俗翻然更新將向之所謂
不可為者今且士古處矣詩書絃歌鏗鏘於里也今且
民安業矣桑麻魚稻作息於野也今且吏懾於法而頑
梗之徒革面亦革心矣舞文控計不知其何以潛然消
也猗興休哉若庚戌之聯鑣而占鼎甲若辛亥之甘露
降於桑疇又非天時人事之協應歟獨是清之地瘠清
之民貧且苦西北之勢盈於山而粟粟薪炭之利弗與
焉東南之勢偏於水而圩田賦稅之歛暴重焉所資惟
德清縣志序

六宋墨軒珍藏